

■ GLOSSA

Scherm infectus

DA SILVIO CAMENISCH

Il scherm infectus assassin Ehec n'è anc betg chattà, ma nus avain cas da suspect. Nus suspectain en tuttas direcziuns, nus na savessan betg en tgenina betg! Suspectà è mez chattà, mez condemnà, essan nus persvadids. L'inspectorat chantunal, el sa definischa sco team, evaluescha periodicamain, èn ils scholars abels da «suspectar» en il preschent, imperfect, conjunctiv, cundiziunal, futur u tgenin, e gist dat giu in parairi professional inspectorial. Also quel n'avess nus betg duvrà, savevan nus bain avant, bain ordavant che nus sajan tschimal, einsame Spitze!

Il scherm infectus assassin Ehec tschertgais per nagut en noss ierts da scola Türligarten u Stadtbaumgarten u tgenin, è er egal. Ina scola che dat insatge sin sai anoravers en las medias ha oz ierts da Schrebers cun tutta infrastruttura e cumprova sin Nachhaltigkeit. En noss iert da Schrebers tschertgais invan il bacterium Ehec u tgenin. Qua n'è el betg vegni vesì, stain mal. Gai tar il proxim! Noss ortulans schrebertins avessan dà alarm, fiss in Grüsel uschia sa mussà en noss ierts da scola sin nossas cucumeras u tomatas u tgenins legums adina.



Nus avain crai jau localisà el! En quellas stgatlas chantunales per meds d'instrucziun d'alfabetisaziun. Betg tutgar pli quellas stgatlas, betg emplunar turs cun quellas u dar giu a la ludoteca u nua! Mo quellas han lien sporas dal scherm infectus assassin Ehec, tschellas stgatlas per meds d'instrucziun en autras linguas dal mund, er egal tgeninas, èn schubras! Avain nus controllà. Also sche quellas n'èn betg, èn nagingas! Qua giess jau en bedenkenlos cun la detta, jau na temess betg in mument ch'in Grüsel muredess.

En quels novissims concepts per probabels parcs da vent en nossa valada da la glisch perpetna avain nus suspects sin Ehec! Tge duvrain nus ulteriura glisch che quella che nus avain, ils models fitg fitg levvestgids sgulads en tar ils castings per il Calender Romontsch 2012 (reservar uss ultims exemplars!) èn vegnids fotografads en meglra glisch, cler,

sin la ranch da Renzo. Er stuessan ils mulins da vent vegnir construids or da laina indigena e controllads sin Nachhaltigkeit, sut l'egida da noss architecticon. Sontg sontg sontg!

Da quella megagigafusiun da vischnancas llanz+++ prevedida d'experts e fissgugent, also jau fiss er gugent, annunz'ins dubis sin Ehec! Betg idea, nus n'avain gnanc dastgà vesair ils maletgs da Röntgen sin spital regional, ins mussa suenter la fusiun gigantica, uschiglio cumenzan las discussiuns puspè da capo. Lain nus betg. La Frölein Da Capo – Ein-frauorchester, also bitte wo sind wir!? – na lain nus betg en noss'emissiun. Nossa missiun èsi absolut da realisar il project, manar el segir sur la punt nova.

En il novedì Guid da Evindar da la Surselva catolica e mitologica vegni gia fatg valair cas da Ehec! Qua na sun jau betg stà l'autur, en quel na vegn jau betg menziunà sco autur, jau betg. Sun jau ina giada senza suspect, hai jau aber fatg puncts e reacquistà respect tar mes critichers a semper. Grazia grazia grazia. En la sennaria sursilvana autpremiada «Paul Luziet» na datti naging bacterium Ehec! Gist avain nus benedì en quella, vis nagut betg schuber, betg steril. Almain insanua innocent.